

天

真

閣

集

原湘十二時不知何謂詩也自丙申冬佩蘭歸予始學爲詩
積兩年得五百餘首已亥歲省先大夫於奉天治中任盡呈所
作先大夫訓曰汝之詩皆襲前人面目無一性靈語今後作詩
須自抒情性一以忠孝爲本退而敬識之歷今二十載得詩三
千八百有奇自昧與古人鮮有合處惟於先大夫訓未嘗一日
忘爾佩蘭鬻釧勸予陸續付刊因手自淘汰存其十之五六
斷自己亥始者明先大夫教也嘉慶五年歲次庚申秋九月孫
原湘自識

孫心青先生小像

無錫籍華墅門生張式畫



是古臘以道腴時虎觀而鵠湖趨一耳智淵珠鬱琳琅充孔揚
豁性情搏宋唐用不光詩之昌

同歲生武進李兆洛製贊

天眞閣集總目

卷一

詩一百十四首

卷二

詩一百五首

卷三

詩一百十八首

卷四

詩一百十四首

卷五

詩一百十二首

卷六

詩一百三十五首

卷七

詩一百十一首

卷八

詩一百十六首

卷九

詩一百二十九首

卷十

詩九十九首

卷十一

詩一百十八首

卷十二

詩一百二十二首

卷十三

詩一百十一首

卷十四

詩一百一十七首

卷十五

詩一百二首

卷十六

詩一百十八首

卷十七

詩九十四首

卷十八

詩一百二首

卷十九

詩一百十首

卷二十

詩一百二十一首

卷二十一

詩一百十首

卷二十二

詩一百四首

卷二十三

詩一百二十八首

卷二十四

詩一百五十首

卷二十五

詩一百九首

卷二十六

詩九十八首附錄六首

卷二十七

詩一百五首

卷二十八

詩一百十二首

卷二十九

詩九十七首

卷三十

詩一百十一首附錄二首

卷三十一

詩一百十七首

卷三十二

詩八十一首

卷三十三

詞六十四闋

卷三十四

詞七十七闋

卷三十五

詞六十六闋

卷三十六

詞五十八闋

卷三十七

詞五十五闋

卷三十八

聯句詞六十一
闋附錄一闋

卷三十九

文二十二首

卷四十

文十六首

卷四十一

文十七首

卷四十二

文二十一首

卷四十三

文二十二首

卷四十四

文二十三首

卷四十五

文十七首

卷四十六

文十七首

卷四十七

文十八首

卷四十八

文十四首

卷四十九

文十七首

卷五十

文十三首

卷五十一

駢體文八首

卷五十二

駢體文十首

卷五十三

駢體文十三首

卷五十四

駢體文十五首

卷一

外集

詩一百二十四首附錄一首

卷二

詩一百十二首附錄一首

卷三

詩一百十八首

卷四

詩一百三十五首

卷五

詩一百五十二首附錄三首

卷六

詩一百三十首

附小像在總目前

墓誌銘

行述

俱在外集
卷六後

附長真閣詩集

卷一

詩一百十五首附錄一首

卷二

詩一百十七首附錄九首

卷三

詩一百十八首附錄五首

卷四

詩一百三十七首

卷五

詩一百四首

卷六

詩一百十六首附錄九首

卷七

詩一十三首附錄五首

附詞十七闋附錄一闋

天真閣集卷一

昭文 孫原湘 子瀟

屠維大淵獻

登白雲栖絕頂

一峯插雲雲不穿雲中忽漏山左肩一峯穿雲欲上天亂雲又復蒙其巔峯低峯昂雲作怪雲合雲離變山態殷勤挽山入雲中倏忽推山出雲外隔雲看山山不青入山看雲雲無形但覺雨踈踈煙冥冥不知深林積翠外白日自在空中行我逕撥雲出其頂始覺雲高不如嶺足踏雲頭萬朵飛下方看作青霄影

汪東山先生秋帆圖

一帆秋色挂斜暉津鼓船頭慢促歸檣頂西風鳥拍拍背人還向帝城飛

宦游征帆及早收全家歸夢載輕舟
皇華四牡秋風裏多少關山望白頭

贈婦

花裏思親淚暗彈香車緩緩出雕闌原知此別相逢易祇恐歸期自定難風日忍教休漬葛羹湯誰解普調蘭高堂已是承歡慣不喜梁鴻獨問安

病起

入簾草色已春殘睡起窗西日幾竿緩緩幽尋疑徑滑亭亭小立覺風寒客知叔夜交遊懶婢伺康成喜怒難賴有閨房如學舍一編橫放兩人看

述懷

所志在窮達便非經世才不從憂患始神智焉得開荷鋤東皋

畔行吟且徘徊今日不努力明日成蒿萊北枕麻中禾繁穢植
自佳不敢與物忤亦懼爲俗譖一簾聊自足蔬食非清齋回也
卧窮巷益稷同心懷

魚目與明珠人情判憎愛以珠易魚目魚也安所賴萬物各有
能彼此不相代一低而一昂適用乃足貴

故衣不如新新人不如故衣故外不堅人故申益固新人初入
門皎潔裁紩素穿著奉君歡能得幾回顧後房失寵人昔亦被
寵遇檢點鏤金箱猶存合歡綺

飲酒須飲醇結交須結真丈夫重結納不在富與貧結納重意
氣不在疏與親田竇堂上酒未醉心先嗔何如松柏悅以性匪
以身吁嗟世人忍骨肉如浮蘋同氣且不顧何況尊酒賓載詠
杕杜詩曰豈無佗人

春夜

夜深清影立中庭一陣濃香撲畫屏隔院有人低送語桃花扇底數春星

雙蘭詠

春風靜影護紋紗一種幽情碧玉家絕色自能兼眾美水仙梅瓣又荷花

別有芳心素更馨一枝如玉影亭亭尹邢畢竟誰高下分占燕姬謝女庭

海棠爲東風所殘歎

太真死後魂搖搖隨風散作花嬾嬾二分丹霞一分雪春情只
怕風吹消綠章曉奏通明殿乞借春陰護花片豈知反怒十八
姨胭脂亂落紅綿飛龍武將軍跋扈雄以逼天子爲奇功千秋

戾氣消不得化作今日之東風此花亦以色招禍香霏閣上香
魂墮千古名花比美人天下傷心誰似我我無神仙術又無返
生香天公雨露救不得人閒茵溷都茫茫埽積空庭亦何益已
無一笑嫣然色便欲重吹上故枝東風亦自難爲力我恨東風
轉汝憐吹花能得幾時顛一逢赤帝行權曰讓與南風唱采蓮

小石洞

古洞劈雙崖青天細如髮微風忽入來搖碎一潭月

清露滴寒潭琤琤靜可聽高語鶴驚飛潭中有人應

六月洞先秋泉光照人冷一片碧琉璃中無熱官影

洞中如古井冬月轉和煦亦自有炎涼難爲外人語

藤溪

喜極探幽興能隨路不窮雲移松影上花落鳥聲中空翠霏霏

雨輕衣澹澹風臨溪休悵阻自有小橋通

鵠鵠峯

一雨衆山綠孤峰獨超妙天上青芙蓉萬綠不能尙紆迴數百
折欲到未可到忽逢異境開驚喜出意料修蛇蔓飛梁鬼斧鑿
幽奧蝙蝠飛颺颺次第穿洞竅邃壑奔流泉自應官商調微風
天半來豁然起長嘯

落日

落日下青山半天人語迴回頭一老僧獨立松崕頂

蘭開有故人至

蘿草草不去種蘭蘭不芳春風一以吹掇葉忽攀黃膺知顚頷
中孤幹生幽香覽之實怡顏芳風集衣裳有客扣門來歡然命
一觴吾儕得知已蕙與蘭成行形骸靜而古氣味淡以長幽香

在空谷天地寧閉藏乘茲春日好杯酒聊相佯

連夕夢至奉天江右時家大人官治中伯兄通判九江
纔上江查復海查勞勞春夢繞天涯何如身作他鄉客夜夜歸
魂只到家

抵郡

沙棠之柂木蘭舟夢逐春潮一夜流細雨輕寒人未醒賣花聲
裏到蘇州

將赴奉天與邵虛中燕別卽送之南安

離亭落日絮漫漫君倚征蓬我跨鞍握手祇憐相去遠銷魂俱
爲獨行難君書雁足七千里我夢猿聲十八灘一樣天涯兩不
見雙峰如柱各分看瀋陽有天柱山南安亦有天柱峯

野雞沱陷車和張子和上舍變韻

車行陷危沙如鳥渡積雪欲前不得前東翹飛蹶躡左無六轡
挽右無五丁掣百步不盈丈一步一傾跌征夫跼而顧御者怖
欲輶馬蹄互驚踐馬首亂號齧鞭疲人亦疲鞭馬如鞭鐵故鄉
三月時戲走章臺均轔鋪柳葉紋汗灑桃花血彼何逸而工茲
乃勞且拙拙未必駢駘工未必雄傑易地則皆然此理當剖別

翹莊鋪和子和韻

暝色皴孤烟月上寒林早車聲尚鄰鄰令我雙鬢槁蒼蒼道旁
樹秋雨半推倒枝葉苦搖落不辨梨與棗炊烟幾人家野黑山
回抱驅馬入門來紙窗風浩浩落葉三兩聲雜入鄰砧掃清響
度寒霜驚人歸夢好

出山海關

四扇門開萬里通五雲高射日瞳瞳重重山抱長城險混混天

浮渤海空邊將當年誰李牧 王師曾此破樊崇自來神武論
功地不數潼關第一雄

澄海樓望海

振衣百尺樓天風何浪浪天光與海色一氣同青蒼是時日初升赤霞燒扶桑照見諸島嶼波上爭低昂浮雲從西來萬馬奔洪濤氣卷五嶽走天地俱動搖人坐此樓中勢若隨波旋白日倒入海青春走上天念當乘風去元覽極八埏回頭顧人世一點如秋煙

醫巫閭山

古鎮幽州重分封虞典隆地原孤竹國山出萬松叢與萬松山接壤橫跨中邊界全資保障功職方圖壯闊望秩祀尊崇殿宇何年建
祈禳此日同降神非舜意尙鬼襲殷風百戰誰銘石千秋待挂

弓峯奇滋黯慘名怪惑愚蒙爾雅箋難到侏儒譯鮮通鞭餘秦政迹煉豈女媧工翠落浮滄海泉飛溼半空最高摩帝座直下瞰龍宮雲氣連長白嵐光化彩虹呼鷹回劣前立馬仰龍庭儻可重關入應爭五嶽雄如何倚天外獨自秀遼東

盛京

長白東來此一束桑麻萬井繞 皇宮縱橫不限旗民界熙皞
都忘富教功漢帝故鄉思沛邑周家王業重幽風回頭頓覺金陵小一涉繁華氣不雄

登醫巫間嶺

萬朵芙蓉影晴空一笑開氣含滄海溼秀接白山來天半書聲

落東丹王托雲性好讀書築堂山頂置數萬卷于中見遼志欄前畫角催飄然有仙意立馬

障鴈臺

七夕

不是無歸意何曾得自由鄉心愁入夜病骨怕逢秋一雁穿雲度孤螢帶水流阿誰堪此夕獨坐看牽牛

車行

車行無歷日一路數秋光北冷南猶煖人閒馬自忙坐多教食少眠短覺天長家近心逾急前途又夕陽

舟次常熟界

船頭日出聽鄉音僮僕睂端喜色侵翻憶魚書傳病耗偶逢鴉噪轉驚心自憐衣袂風塵滿卻喜詩篇閱歷深料得閨中凝望眼海棠開後到而今

歲暮書懷

布韁青鞚走萬山手題詩句滿人寰才慙江左無雙士名出遼

東第一關逸足羈遲鹽轍下雄心收斂酒杯閒卽今高卧蓬衡
枕海日蒼蒼夢裏攀

上章困敦

春游

扁舟搖出市梢頭碧浪生珠箇箇浮芳草欲迷歸蝶路桃花剛
缺倚人樓二分明月揚州寢十里春風蕩婦愁分付隄邊老楊
柳莫吹飛絮上簾鉤

子夜歌

卷簾如有待夜久燭花滅風吹桃李香疑是歡氣息
穿鍼對明月與歡製新衣著向人前看焉知是妾絲
食蟹多遺螯食橙多遺肉何事可郎心只道顏如玉
但願情如水不願情如蜜如水水常深白髮照成來

行路難

有鳥有鳥啼春時，幽簧細管臨風吹。
誰家妝閣畫簾卷新聲，宛轉愁蛾眉。
一夜春塘絮如雪，以聲媚人聲頓拙。
翻身善藏結其舌，不如子規夜夜猶啼血。
子規啼聲作何語，行不得也奈何許。
天之高兮水之濶，鳥乎鳥乎將安歸。
君不見弋人張弓目在汝，朝向深林夜尊俎。
君今莫道天際寬，君今莫道水際安。
爲君歌行路難。

門神

粉墨塗將面目成，倚誰家世列簪纓。
宵來豈識司關閑賓至，何曾管送迎。
未可辟人聊辟鬼，居然難弟與難兄。
傍人門戶誠良策，只恐匆匆歲易更。

敗筆

霜鋒退盡墨痕枯
鬢髮蕭然一禿儒
五色夢中纔頃刻
雙轡猶上費工夫
甕如荒冢營先就
管是空城賸亦孤
託把人閒忠孝記
頭銜猶號中書無

春莫郊行

惜別已惆悵林鳩更亂鳴
一峯天外秀萬綠雨邊明
小立吟愁定微寒
酒病生飛花最無賴偏落美人瑩

客有問吾邑者書此答之

輭紅塵裏小蓬萊
畫閣文疏對岸開
七水流香穿郭過
半山飛綠進城來
酒多按節傾家釀
花不論錢遍地栽
莫笑耕夫多識字
梁時便有讀書臺

柬子和

半欲天陰半似晴
薄寒猶自帶餘醒
夢爲曉寺疏鐘散
愁與春

江遠水生二月看花空走馬一城飛絮又啼鶯斷腸說與君知
道更有何人其此情

眞秀閣

雨後看雲盡出城最高樓閣有餘清一簾空水搖天碧半壁殘
虹浴海明花與蝶飛時下上書無人揭自縱橫不知何事憑闌
立落日蒼茫百感生

立秋夜

小檻香醪細細傾閒窗一葉報秋聲呼童試卷湘簾望月向梧
桐缺處生

七夕

天上日月疾一歲如一日一日一相逢猶自嫌離別

秋夜

雲散碧空際夜涼秋滿庭霜兼孤月白竹助一燈青瘦影同花立高吟與雀聽此時清意味知有幾人醒

泛舟湖田

四山忽已暝迢遞寒煙生扁舟放柳下一櫂涼風輕夷猶蕩波去夾岸哀蟬鳴秋荷悄無語露下珠盈盈美人隔花立綽約含幽情拍手且笑歌一曲滄浪清

山塘

落日客應散翻多嬉水濱燈輝空亮月花氣奪濃春舫盡宜吹笛樓無不倚人官民同一慨風俗未知貧

五人墓

奮臂一呼起萬人揮手同萬人仍散盡諸子是豪雄卽毀生祠地而彰俠烈風何年得高士穿冢學梁鴻

白雲栖八景次僧化輩并序

處山最高處曰鵠鵠峰峰下有石屋陸墜吳地記稱爲太公望隱居屋上銳下廣俯視若深井旣入乃明敞仰見洞口綠蘿作瓊瑤狀石根清泉涌出倒涵碧天氣蓬蓬上蒸如露珠還滴池中琤琮可聽旁故有小庵甚陋且敝先大父朝議公出家財創五十楹榜其門曰白雲栖授僧化輩主之僧故工詩倡此八詠邀余和焉

小山拱案

飛落芙蓉小當門不可攀晴開三面閣秀對一拳山古佛有興廢白雲時往還天遺青玉案只在翠微閒

湖橋繫艇

萬頃湖光白中橫
一綫橋春來水楊柳時繁木蘭燒落日無心
見臨風舉手招登臨如有意策杖未須遙

鵠峰樵唱

但覺高歌起西南
第一峰不知明月裏何處仙人蹤
崔語諸天水笙酬
萬壑松市朝空有耳只聽五更鐘

龍港漁歌

聞道山頭石曾開尚父廬
至今山下客猶學涓濱漁
高唱驚秋水回風入太虛
莫教波浪涌恐有蟻龍居

石屋春蘿

一笑山花放輕蘿亦自春與苔添作髮妝樹老成鱗挂壁疑無
地當門欲礙人阿誰誇絕代補屋此西鄰

藤溪夜月

誰抱清溪月娟娟挂古藤明珠一蕩漾龍影欲飛騰山骨經秋洗詩情與水澄天風吹髮冷莫上最高層

冽泉沁雪

洞口溶溶雪雲根滴滴泉陰寒偏入夏閒鑿定何年昧自別諸澗光常涵一天惟應散花女來此照婵娟

山閣看雲

開閣放雲出而還登閣看蓮花三百朵盡入海漫漫石色含秋雨衣裳弄晚寒下方應望澤莫戀住峯巒

讀淵明集

半隱神仙半隱耕桃花原記自分明種桑久已非吾土采菊聊還竟此生劍術未忘歌壯士玉瑕何礙賦閒情一篇歸去來辭在慚愧儲王學未成

內子思結一塵於湖上屬余賦其意

耦耕心事盡眉年小隱須尋屋似船四面不容無月到一生常
得對山眠只消春酒如湖水盡種梅花作墓田未敢便乘蓮葉
去怕人猜著是飛仙

書夢

一片詩魂呼不起杳然逃入酒杯底身騎蛺蝶上青天手摘明
星似蓮子飛霞仙佩珊珊迎青女素娥俱有情八月九月生日
好各占秋氣爲聰明贈我合歡無縫之羅襦上綴明月不夜之
明珠著來光華無處無二十八宿俱饋餉此情怕被玉皇知玉
皇大笑情非私無情至鐵尙引磁萬物何礙長相思長相思淚
不休化爲黃河九曲水自天直至人間流廣寒嶽山兩迢迢臨
行空解雙瓊瑤影可望不可親招之亭亭在雲際始覺我是人

閒人天風浪浪生紫瀾欲往從之兮霜清月寒覺來烟霞在衾
裏松濤一枕翻秋水

九月六日風雨偶憶潘邠老句賦此分寄兄弟
如此江山儼畫中水雲變滅米南宮當頭早下催詩雨作勢先
狂落帽風十里人煙黃葉凍一城秋氣墨紗籠年年佳節偏愁
絕獨對遙天數斷鴻

寄懷江陰蘇梅坡學博

筠

遙屋扶疏稱野居幽人午倦定拋書緣蓑青箬滿瀟雨紅蓼花
中獨釣魚

宿清涼寺

果是清涼境非秋氣亦澄詩情生落葉客夢結殘燈徑吠穿雲
犬門敲踏月僧深山如太古况乃最高層

送人楚游

爾亦非無計知君有去心離情懸落日別路動寒砧聞道湘江
水相思似此深如逢西塞雁一爲寄南音

故鄉城上月飛去送君行清影落余抱相思一夕生潮聲漢陽
渡秋色武昌城努力西風裏休銜遠別情

古別離

握手上河橋秋氣殊凜冽所事在君父敢效兒女別陰風蕩四
野但見沙與雪自古無人煙鬼壁亦都絕朝廷銘戰功何年及
戊卒今日隴頭人明日沙場骨磨刀隴頭水流水流作嗚咽水尙
知繁迴人胡甘永訣

冬日雜興

秋氣從空來南山不能塞萬木皆怒號怪石獨靜默望白露

零芙蓉落江北由來成功退詎以造化力丹楓誇盛顏實已變本色

步出北郭門蕭蕭白楊樹不見逝者還但益生人慕爲歡能幾何白日已遲莫何況盛顏子中道忽朝露天馬驕輕逸蟾蜍願安駐

仰首見明月停杯一闋之昨日金鏡滿今日白璧虧胡不守常度而此消長爲豈知微虧理已萌至盈時然而日常滿理又安可知

寒夜月

楚鐘流響入雲端催出雲中白玉盤皎潔不輸秋夜好鳥啼霜冷有誰看

重光赤奮若

情

天真閣集卷一

脈脈盈盈只自知深於潭水細於絲惜花易老空成恨願月長圓直是癡寄與芳心紅豆子折來纖手綠楊枝人生何處能忘卻半是相逢半別時

伍子胥

白髮吹簫一市驚偏師直搗郢州城復讐已快鞭尸願窮士仍宜乞食行三諫赤心沈水底千秋碧血奮潮聲還愁地下先王怒誤把青宮事問卿

要離

生來細小畏迎風能折柳邱廣座中獨爲君王除禍患誰憐公子勢孤身奮身江水千層雪回首家人一炬紅欲附魚腸成合傳補他遷史紀匆匆

岳忠武

三字分明獄未成如何圜土報尸橫偏安早定平王計返駕先
愁叔武迎若搗黃龍成痛飲難刑白馬乞和盟此間大好江山
在恢復何勞萬里城

于忠肅

大明天下高皇造社稷危時君自輕一柱獨排南渡議九門親
調朔方兵得歸鄭伯知誰力必殺元咺始有名儻使青衣終北
狩問渠何處奪門迎

吳中

梧宮梧葉響蕭蕭王醉王醒莫復朝敵國已深嘗膽恨傾城祇
覺捧心嬌非關鳥喙能爲沼誰遭鴟夷怒作潮父奪江山兒斷
送九原都愧見王僚

蜀都

此是沛公初王地龍孫天與作西都老臣淚盡三巴水敵國心
驚八陣圖自可中興存季漢誰令薄伐向東吳永安宮裏啼鶲
恨不及鸞弓射赤鳥

汴城

一著青衣竟北行燕雲回首事淒清金陵那顧坤輿缺花石惟
期良嶽成資敵誰拌三鎮地勤王空集兩河兵故宮賸有銅駝
在從此東京是鎬京

臨安

一檜繼亡一檜生小朝廷自樂昇平中原竟畫江淮界歲脩何
爭叔姪名五國城空無馬角六橋秋好有蟲聲復讐自是春秋
志千古秦韓一例評

擬古謠

場上雞啾啾隨母走人乎不如爾有母

大木不斲人道朽貧女不嫁人道醜

冤玉作石破璞自釋心在腹中何由得白

水不容舟不如返山不容車不如轉人乎不容其何免

燕雛雙集雙毛羽乾東西一去兮不復還

味歸於舌腹受其質孰得孰失

饑人夢糧凍人夢裳遠人夢鄉

家貧思健妻天雨恩惡衣

刻木爲雞口不能啼撈土作狗脚不能走

蜀雞生卵越雞負之子不認母母不認兒

月缺蚌瘦月圓蚌肥天上人易見水中人不知

落花行

我欲把酒問東風春時何故催花紅前情太濃後情薄自君開之自君落更欲把酒問花枝落何容易開何遲既不令人常見面何不當時不相見花枝有色本無聲問之不答豈有情何況東風更縹緲碧空誰作傳言鳥百尺樓中萬斛愁閒雲一窩月一鉤月將雲影紛紛弄鉤引花枝來入夢別樣精神別樣嬌風吹仙袂何飄飄綽約絕似倩妝女掩面低頭不一語霎時風力又飛揚化作紅雨霑衣裳癡魂片片忽驚破依然被擁殘花臥眼中春比夢中春一樣匆匆看不真乃知夢境不全假眞境亦猶如是也底須著意問風花洞陽金谷空繁華風本虛無花更幻萬樹何曾留一瓣不如對酒且高歌桓伊搔首喚奈何君不見綠珠墜樓太真死千古佳人亦如此

雜言

早慧不慧早婚不婚晚花花好晚晴晴老奸嫗在情色居其名
情以才展恃情者淺

雙燕歌

雙燕復雙燕去歲花時江上見今年花發盡樓空翠襟宛轉雕
梁戀噫嘻悲哉君不見龍門峽口望夫山登山望夫夫不還精
靈化作山上石風號雨哭啼斑斑又不見南寧南下畱人石皆
意畱君畱不得日月摩盪石上生蒼茫一片寒苔色爭如比翼
無差池相呼相傍連理枝碧桃子落已成樹深情密誓何嘗移
胡爲乎天有星分參商隔銀鸞兮遠望雙燕兮翹翔我歌兮短
長立延佇兮徒傍徨淒淒落日來牛羊龍門之桐巢斥鴉枳棘
不得蔽鳳皇倒行逆施心不可知已惟有南山岡鄉人昨日初

到縣觀見路旁高牙大纛傳呵殿太守除道迎將軍負弓箭車
中繡服金麒麟白晳通侯路人羨然而其容慙以變云將飛渡
交河握櫈槍馳入敵中叱風雲而決戰僮僕肥飽骨肉不相見
富貴不如貧且賤君不見梁上燕

棄婦詞

縣縣春蠶絲製君身上衣君衣有破曰蠶絲無斷時憶昔入門
來歡慶兩不離食非妾不飽坐非妾不宜不敢恃君寵惟恐恩
情移何期中道變棄妾眞如遺昨日妾對鏡猶是嫁時姿婦人
失夫心含冤敢訴誰灑淚將出門宛轉前致辭新人奉君歡冷
煖比妾知願君愛新人勿更如妾疑

懷憮歌

春蠶怨桑葉腹中爲汝絲抽絲日煎苦何如不食時

白玉碾作環往復無終始與郎少相歡不記何時起
纏布織衣裳教儂繡花草絲綾濯漑誰絲功多難見好
東鄰新嫁女顏色號傾城傾城吾不願難得是郎情

客有善飲者戒余作詩書此答之

今年風月好信口吟長篇有客扣門來握手同歡然呼童攜一
斗花下關芳筵酒半客語余吟事應棄捐不工制舉文詩美徒
翩翩搜索自苦耳不如抱遺編余曰君太拙嘯傲何妨賢人各
有所好愛博情不專馬能行險路胡不如牛耘春田車能載重
物胡不如舟涉大川如君好飲酒一曰費萬錢勸君姑勿飲道
逢麴車空流涎我今不善飲一酌頽然眠我若能飲酒狂酣搖
落五嶽蓮詩酒本相合爾我情性居其偏我自爲詩隱君自爲
酒仙知人則明自知暗相與大笑看青天

苦熱

陽烏西行戰火龍兩翅扇燄排當空五嶽蓮華翠乾死海水欲
沸龜鼈宮我家一椽大如斗坐若深甃添柴烘有木皆焦手可
炙有席自煖身難容攤書祇覺花眩眼拗管已苦珠流晝安得
卻暑如意犀虛堂白晝生清風卻憶田家更辛苦踏車男婦溝
西東堅土不動犁不鬆兩股欲折腰如弓我讀書彼務農勞逸
靜躁迥不同讀書尙可掩卷坐農事作轂田無功人生不幸爲
耕傭一日之情終歲窮君不見城中富家翁瓜浮碧枕酒泛鍾
九月十月交初冬開倉積米高如墉欲將辛苦告富翁富翁堂
中縣官告諭如虹紅

迎秋曲

幽人心上秋有聲一聲入破天無情千聲萬聲一聲起凡物不

得平皆鳴瑤街無塵銀漢迴涼月自來弄疏影洞闢綺闌捲晶
簾手擁孤衾抱秋冷織女寒窗織未休金梭溼露重難收絲絲
盡是愁腸出織就江南一片秋

對月

一片秦時鏡風吹上碧雲百年人幾見萬里影平分之子渺何
處遙呼不可聞南樓叫征雁落葉已紛紛

麗人行

有酒易醉花下人有金難買花前春美人十五瓜未破夜夜微
酣抱花卧春風學得柳媒姚鄰家女兒羞舞腰長安貴人初賜
第高築層臺貯小喬綠波一朵紅蓮起豔李櫻桃盡休矣啼笑
俱能博主憐徹夜歡聲朝不止天生尤物不福人用盡黃金貴
人死貴人死美人逃胸前帶得金錯刀和煙和月築樓住關牕

自弄秦時簫美人門前五陵騎裴馬風流稱人意使君有婦羅
無夫相逢何必還相避君不見梁綠珠花飛玉碎何其愚季倫
得罪金谷改胡不善保千金軀又不見關盼盼紅褪香消真夢
幻尚書劍馬已如塵及早開簾召雙燕貴人之富富不如石崇
貴人之官官不如建封生前黃金鑄嬌女死後他人樂歌舞劉
伶愛酒酒爲生潘岳種花花對語至今花不開潘岳墓前春酒
不澆劉伶墳上土

秋聲詞

蒼林如煙水如練秋風吹破青雲片北山落葉飛南山鬼氣從
中亂交戰清如一笙吹徹緜山巔亂如萬馬爭渡黃河邊細如
小窗兒女嗁嗁然洪如洞庭張樂聲填填幽如孤舟嫠婦思纏
絲猛如戰場號令風雷傳憤如平原狂生撾鼓公卿前悲如衝

冠壯士挾劍離幽燕一聲兩聲不同調千聲萬聲各相肖借問
何年天竅開應是媧皇補不到我欲招封娘前爲我靜鎖金行
天不許鳴條弄聲息豈容扣戶驚秋眼更欲招青女說莫向人
閒作威脅若無敗葉望秋馨那得空庭響蕭瑟招之不見心徒
勞孤燈一點秋搖搖壁上嘯出百鍊刀明月不動青天高

缺牆

種竹必經年種花必踰月對岸有青山自補牆頭缺

九日登山

晚晴蠟屐上煙嵐四望雲山總不堪兄隔西江弟東海子然身
獨在江南

出郭尋友人不遇

新晴出郭望山亦放愁容秋水昨朝雨夕陽何寺鐘路緣青草

斷門是白雲封翻道城中去歸途儻得逢

猛虎行

風淒淒雨霏霏孤燈夜聽悵鬼啼知是空山猛虎宵愁饑朝來
春雪滿山屋邱路泥深印虎足追尋蹤迹入山坳白骨纍纍血
灑灑君不見前邱失小兒後邱失黃犢黃犢亡田無穀小兒死
寡婦哭上帝好生心至仁未能執法加殲戮胡不令人食其肉
而反縱之食人肉

媚香樓歌

秦淮一片焦土香當時美人樓上妝樓前桃花似人面障桃
花定情扇忽來豪奪勢紛披墜樓寧作飛花飛血痕污扇扇更
好一滴一花花不老甲申三月桃花明無愁天子來中興宰相
誰馬士英防江誰阮大鋮隔江城頭刁斗驚宮中歌舞春燈明

扇上桃花只幾片扇外江山血流遍不須更說李與張滿紙刀
兵一家戰嗚呼四鎮驕送南朝南朝空走狡童亂軍中尸史閣
部斷頭將軍黃得功忠臣熱血恣飛灑一齊爭作桃花紅氣節
何論男與女樓中如花霜可拒君不見天津二月桃花開又見
侯生應舉來

冬郊

冬郊能見遠幽興與之清落日尖峯指孤雲禿樹撐獨行忘畫
意一逕得詩情欲過溪橋去蒼蒼暝色橫

天眞閣集卷一

天眞閣集卷二

詩二

昭文 孫原洲 子瀟

元默攝提格

春江送遠曲

有月吐已圓忽然闕却白玉盤有酒斟未滿無端翻出玻璃盞
月闕非月闕浮雲不可撥酒翻非酒翻雙淚落斑斑人道送春
如送客豈知客比春可惜一年春盡一年生人去迢迢千里隔
我望花開花竟開我期客來客不來原知此別易相見只恐行
期難自裁我欲遣雙鯉送君直渡春江水好趁桃花信發時
一緘帶得桃花紙更欲邀春江湖載君舟楫穩不搖和花和酒
和明月送轉青青舊板橋寄語江湖晚來長鯉魚休入漁人網
惟恐書回人不回莫并音書俱絕響月落酒杯乾送君至河干

相畱不敢望但覺相別難曉風忽吹片帆去星斗不動天光寒
家大人由奉天擢守上黨命余攜眷自南赴晉舟中作
別是銷魂事兼之落葉聲如何片帆去不起故園情慷慨非關
酒飛揚豈爲名太行秋色滿中有白雲橫

敢惜兼程力知親望眼穿此行須一月不見已三年聚散無常
地升沈只信天雄心與飛鳥都在夕陽前

晚出滻墅關達望亭與諸戚友別

梔燈閃閃亂星辰風送郵亭第一巡新出月如將落日乍行客
似急歸人鄉音過境郵別贈語臨歧字字真今夜望亭回首
望故園先已隔關津

潤州道中

大江前截住兩岸排天高北府兵威動東吳勦業勞片雲猶帶

楚秋氣總含騷且復賒明月吾將就濁醪

渡江

晴江如鏡秋如畫如此秋江不嫌大我家八口載一舟飄入中心只如芥吳頭楚尾本相連借江爲腹中閒界海門無鎖鎖奔濤一枝流出銀河派兩點金焦萬古青大海浮萍飄不壞如畫有蹟鏡有塵何不刪之無礙誰中流大波忽如山人立江豚望風拜船頭一落入井底倏又掀騰擲天外片帆出沒浪花中勢若將箕簸糠粃目送遙天一雁飛雁影猶輪帆影快舟師惕息不敢語我獨高歌答澎湃九死幸逃魚腹吞兩舷疑有神龍挂世閒萬事咄可怪入險出險志勿懈君不見輕風十畝小陂塘

穩渡時來覆舟戒

蕪城曲

江南花與月常笑江北窮揚州在江北卻勝江南風萬籟寥烟
集百貨商舶通箇師聲咿啞耳振三日鼙放船竹西路碧水波
溶溶橋名二十四一字橫長虹誰家舊亭館糜費百萬工鑿渠
引清水載石堆奇峯雕梁文繡裏畫棟香檀碧穿珠補櫺檻裁
玉裝簾櫳朱樓更縹紗上欲摩青空樓窗開四面面面縣玲瓏
緋衣少年子怒馬青花驄前隊列俊僕後隊擁狡童酒錢日萬
計意氣凌三公郎君問誰第韞賈是乃翁幼女十二三兩頰塗
芙蓉珠鉤拾新樣繡履遺芳蹤日暮人影散新月纖如弓蘭膏
處處燭霧縠家家籠紅牙板清腔絳樹聲嬌艸城頭漏三催一
曲歌未終瓊筵肺臘豹玉體色鳳龍銀瓶瀉酒聲瞬息傾千鍾
零膏與殘脂狼藉河渠中脂粉氣下塞金銀氣上衝嗚呼蜀間
士不如首山銅百家無一豐百家無一農阿耶買米歸婦兒不

知春阿翁買布歸新婦不知縫十歲學揮霍中人稱素封揚州
樂復樂淮南方歲凶

史閣部墓

礮聲轟天將星墜揚州城頭如粉碎閭外誰援一旅兵江邊自
灑孤臣淚舉刀自斫頭不離大呼我卽史督師迎敵鋒刃竟死
之血肉混雜三軍尸此身不死國可復南渡支撐李綱足紛紛
逆案忽翻起從此中原事休矣高軍桀驁劉軍梟四鎮相齎如
饑蛟少康光武竟誰是會之秋壑爭滿朝孺子闇弱不足繼臣
死自見高皇帝烏虜閣部死南都亡前身原是文天祥

謝公墩

一墩高出冶城青直爲江南作翰屏破敵早憑佳子弟從容能
鎮小朝廷圍碁亦見危時畧絲竹難忘暇日聽何事王敦後身

在彊將名字慘山靈

王安石眼多白人目爲王教

寶應縣

一空雞犬籟野水浩無邊城郭疑深井舟航欲上天客帆經雨
側人語過江圓楊柳根邊屋魚鱗露幾椽

淮陰侯釣臺歌

祖龍一死羣龍爭魚龍未決敗與成淮南漁人擲竿起從此真
龍有歸矣初拔趙壁幟再襲歷下軍此時勢已成三分公然不
聽蒯徹云王齊旣已假王楚旋被收市上少年亦應笑功成只
作淮陰侯釣魚不得食取天下不得國烏虧前漂母後呂后生
死皆懸婦人手何如一臺高踞七里灘客星影落桐江寒

舟行雜詩

操舟人白頭年未滿五十豈不畏風霜此事吾所習

織布莫作篷嫁夫莫艤工朝朝江上過愁水又愁風
盈盈榜人女二十未嫁夫妝成臨水照莫是妾顏羸
雁渡江以南人渡江以北江心見孤影各自懷鄉國

清江清似鏡照見雙鯉魚但見雙鯉魚不見故人書
下水船如飛乍見已相近船中疑故人遙遙不敢問

隔舟聽吳語夜半急披衣卽非舊相識或許附書歸
路旁人自忙舟中人自閒客果是閒者扁舟胡不還

清江浦夜泊

飛鳥去不已清淮水亂流風吹天上月影落半江秋醉夢無長
夜全家在客舟明朝上車去波浪莫驚憂

策馬出王家營

匹馬飛騰上揚鞭欲嘯歌秋光白日風色慘黃河遠到丈夫

志此生離別多回看神駿者伏樞意如何

項羽墓

彼可取而代奮然江以東風雲隨叱咤子弟決雌雄有力除秦
暴無心殺沛公猶懷故君義不忍王關中

妾馬猶難舍英雄是至情功名羞苟且慷慨見平生忍醢功臣
肉饑分老父羹從來天下事多屬負心成

燭山

東南忽有天子氣咸陽驚走始皇帝咄哉何與爾劉季便作神
龍自潛計芒耶燭耶五雲起求龍得龍惟有雉當時醉臥王媼
家幸而不爲白帝子一朝雲雨升九重項家如虎劉家龍一虎
旣殞羣虎伏威加海內歌大風豎儒何足知英雄謂以俎肉棄
乃翁君不見蛟龍白日與媼遇龍種何曾屬太公

歌風賦

韓彭戮盡淮南反泣下龍顏慷慨歌一代大風從此起四方猛士已無多英雄得志猶情累富貴還鄉柰老何此去關中莫回首祇應冤鬼戀山河

下邳

一椎已了復讐名八難反將六國傾但有陰謀要項伯竟無奇計脫韓成赤松難棄人間事黃石空談紙上兵不是宮中語相勸果然辟穀便身輕

戲馬臺詠宋武帝

龍行虎視起江東天子甘心竟讓公北伐中原何草草南郊天命太匆匆漢孫難作中興論晉室方誇再造功一樣重瞳來走馬人將成敗論英雄

蔡家村

雨歇塵沙淨秋風入馬蹄亂墳多似屋枯樹半成泥衙吏催租
怒邨兒索飯啼此方頻歲歉河水況崩隄

望窰遷城水災

村落已全失空存下相城魚遊高岸下人出死中生菜是饑民
色風多泣婦聲千錢求斗粟何以事春耕

中壠墩

東南瓠子決樂土此孤墩壯健牛羊犬團圓婦子孫蘆柴尖束
屋棗木側編門始覺豐收象催租吏不尊

蒙山

山被雲圍住圍雲更有山青連馬陵樹秀入鐵門關海近風常
嘯峯高日可攀我來立馬望一雁正南還

山行晚霽

晚晴洗出一天秋清絕鈴聲入水流人背恰駛殘日腳馬蹄爭
踏亂雲頭樹陰箇箇圓如月山頂層層上似樓翻憶霜林如畫
裏故園那得挈家游

雷澤

雷澤開先一釣竿太公溪後子陵灘王師帝友皆容易第一無
如大孝難

一曲阜

泰山東走不可東秀結尼山元氣渾萬世不經烽火地一城多
是聖人孫同時自覺衣冠古到此方知道德尊收拾平生才
子氣紛紛管樂未須論

曉寒行

殘星如月落未落驃夫牽驃出城郭四蹄踏冰冰鑿鑿刮面西
風利霜鏘獸爐紅深緩高閣吳儂尚怨吳縣薄驃夫赤腳走溝
壑歌聲烏烏樂復樂男兒墮地似鵬鸞要使風雲縱寥廓安能
僵仄受束縛烏虜居好不如行路惡

旅况

蘆花簾子瓦燈檠棗木爲扉裂不平窗近竈頭煤火逼牀依牆
腳溼苔生紅鹽爛煮黃芽菜赤米香攬綠豆羹潦草一餐思覓
睡馬鈴聲誤晚鐘聲

渡濁漳水

蕭蕭馬鳴驕鄰鄰車聲止湯湯阻洪波招招喚舟子牽驃上船
頭解裝下船裏我與我僕夫背立勢相倚此水從西來曲折經
數徙歷晉及燕齊混濁逕千里萬物避惡名此獨以寶紀勝彼

貪人貪轉掠清望美我影照不見我心私自揣置身濁流中彼濁我自泚飛湍濺我衣飛湍濺我體體自可澣濯衣亦可湔洗所懼濁我心一濁不清矣古昔聖與賢涉世先潔己

邯鄲懷古

赤眉青犢擾關中又報前星入趙宮天下已非成帝有人心猶屬漢家同燭光豈足當真王潢派原難比聖公消得午炊香一枕紛紛成敗幾英雄

曉發

行人起茅屋寒月方離迷牽馬出店門月光趁馬蹄揚鞭上山頂月傍馬首低如鏡懸高臺剛與人面齊山行本無定一月隨東西又如遇好友右挈復左提左插千仞壁右臨百丈谿中界一條白朗若分水犀天光寒漸淡月光寒漸悽一輪落空境嘔

喔山雞啼

清霜輒于綿鋒利如劍戟憑空本無形著物始有迹能使少年頭不白變爲白能使壯士膽已赤益復赤能使名利腸冷若春冰釋能使節烈心皎若秋陽赫空山老龍鱗柯葉有時易何况人身勁不如松柏豈不念故鄉勞勞遠爲客丈夫貴拯世焉得事田宅

太行

生不能攫身直上長離島不如快馬輕鞭太行道太行何高高原自雲中肇西奔中條至雷首碣石燕山東障堡我來正初冬山色澹更好危崖絕壁上逼雲漢撐天表一峯若天姣一峯若頽老兩峯盤結互迴抱其閒相去十丈百丈絕迹難飛鳥山背一峯峯更小如嬰孩未離襁褓山中日出榑桑早拂袖白雲溼

難埽前山雲氣何浩浩欲把羣峯全壓倒一山不倒獨天矯青
氣盤旋上晴昊天公擲下一朵蓮仙人舒掌雲中拗望山山不
見過山山在腦回頭見山青不了又被朝烟擁繚繞忽從雲頭
透出一點尖青翠之色似明瞭又從雲腰凸出一磐石滿如人
腹食初飽一層山閒一層雲五色迷離現奇寶上露長松下懸
茂草高士欽崎佳人窈窕不是巨靈手擎五丁斧鑿安得如此
奇而巧我馬行行路漸杳左旋右折山逕遶別開一逕空濶如
江河奇峯怪石一一難名考或瘦如珊瑚或明如瑪瑙或如金
盤擎或如玉杵擣更有墮離光怪千萬狀如坐如臥如行如立
如喜復如惱一洞暗黑莫可曉金庭玉柱仙家造一溪倒流深
且窈疑有蛟龍下伏時露鱗與爪覽之不覺心悄悄平生壯氣
忽戰掉我從西來萬萬山或則嵯峨或縹渺不如此山峻險窮

搜討何怪一夫當關而萬夫屈撓噫吁嚱危哉眼前誰是頗牧
才太平高坐安車來

東陽關

白晝險如夜重關鳥不啼青天開玉峽丹嶂鎖虹梯一綫風烟
透雙丸日月低片雲生足下已與太行齊

抵上黨郡署

下馬最心喜入門望見遲得看翻涕淚徐定始言詞卽慰風塵
頓獨驚霜鬢衰膝前乍如夢卻憶濱陽時

登德風亭

在郡署後圃唐元宗爲潞州別駕時建左有邀太后看花樓宋徽宗游嶺今廢

孤亭碧照滿城秋河漢無聲四角流一郡直居天下脊萬山多
壓太行頭雲迷輦道空遊嶺花發妝臺憶畫樓膾有德風歸獨
在長官清暇許來游

祖母自萬安丞署就養上黨迎至太義鎮

莫接西江晝夜發城南騎豈不畏嚴寒違顏已三歲時方天雨
雪客路險欲墜縱轡下峻坂反覺志意銳遙遙見邨墟下馬溼
不避入門拜慈顏老瘦祇心悸不敢絮語言倦征恐小憃出見
僮僕行備問途次事皇天憫予親喜極反出涕明朝理安輿終
夜不能寐

上黨懷古

一聲清嘯上東門草木多如鐵騎屯誰縱魚羊歸部落遂令豺
虎噬黎元功名早薄劉琨計確落羞同孟德言可惜時無漢光
武與誰逐鹿竝中原

司馬家兒一綫畱英雄何暇腹心憂中山快快難爲輔大雅惜
惜豈足謀畫裏忽亡羣羯首盤中方玩美人頭蘭陵滅石終成

識空使圖澄兩淚流

別駕畋游上太行紫雲紅旆共飄揚六宮忽報前星入一劍旋
看禍水亡定策能扶唐社稷蒙塵終犯蜀風霜千秋此地雙龍
起天寶何如宋靖康

三垂岡北陣雲橫破敵歸來酒數行一坐淚痕承月色百年妻
調助秋聲墨書久奉先王殲彤矢毋忘太廟盟不是生兒如亞
子英雄垂老可勝情

臘月十五夜德風亭望月

潔如玉壺冰圓如白團扇扇怕捐時冰易消不如明月常相見
春時月色和夏時月更好秋時月最清冬時月漸小小則小兮
光皎皎如人心細百事了初三如睂澹埽妍初八如額貼半鉏
十五嬌娥晚妝竟失手落卻青銅圓難見圓易見缺桂樹旋開

葉旋脫月可惜人可憐相思不見空遙天月來人亦來素影流
寒杯愛月復愛酒掬酒月在手有時人來抱月明有時月自隨
人行我亦不自知其故見月淒然不能去高處清光得最多暗
中祇恐行人妬我欲伴月亭中眠一輪看落西山巔清寒徹骨
豈不畏待得圓時又一年

壬寅除夕

十九番除夕今宵樂最真與兒同作子看父尙娛親俗閑年知
稔官清僕耐貧蕭然似茅屋歡聚得天倫

昭陽單闋

五龍山觀松歌

五龍山高矗五峯到山不見青芙蓉誰從雲中推出虬與龍攫
之不得心忡忡乃是十丈百丈千態萬狀之蒼松松頂有軒寒

翠籠五色綯爛橫春虹其上可蕩雲夢胸一尊醉我眞珠紅春衣亂撲松花濃滿山桃李空繁穠吁嗟此松曾未邀秦封離奇天矯由天工一株勁直何其雄一株屈曲何卑恭一株忽作飛隼態欲隨老雀摩天風東來一株氣鬱葱龐然自負十八公扣之如鼓聲鑿鑿將軍此腹由來空山凹一株勢龍鍾彊瘤斗大成衰翁陡從中腰別起拂雲幹狀如孤立無倚之直躬循松轉徑煙迷濛翠微深處飄疏鐘黃梅古寺供憩息老僧面具冰霜容寺南一亭大如笠倚松爲柱無磨礲對亭有樓曰拱翠四圍松影垂簾櫳長風吹來怒濤響扁舟震蕩江之中遊人到此歎觀止但覺龍鬚虬角心目時相逢老僧爲我語所見皆凡庸石窟一株乃奇絕一松可作羣松宗聞言興發忘疲慵濟勝不用支枯筇峯迴徑仄不可到遙見翠蓋撐蒼穹初疑直幹二千尺

其下根踞十晦官。豈知千盤百折。始到頂。若令放直上。與青天通。孤根瘦。若一枝鐵力擎。百榦如青銅。一龍昂首鬚上衝。九龍相迴。從青天飛來。一九月正如戲。攫明珠。同回看來時。所歎絕。圓子所見真蒙蒙。此松若非老僧語。深谷誰爲窮其蹤。凡物各有至極理。請君撐起雙青瞳。

將之京師次內韻

亦知離別淚。親老轉傷神。不覺青衫溼。頻看白髮新。願卿兼作子。普我莫辭辛。臨去翻含笑。悲歡總是真。

神頭嶺

一重雲裏一重山。山入雲深路更彎。今夜況無明月照。教人覓夢怕飛還。

玉峽關

無限離心落日邊
怕回頭望轉爭先
林端嘯落峯能應石
礛雲多馬共穿十里野
香蝴蝶路一彎深綠鷓鴣天
風光已有畱人意
說似江南更可憐

涉縣

萬山如逸驥奔綠進孤城
芳草家家犢桃花樹樹鶯離心春水
蕩愁思夕陽生四月東風煖高原
努力耕

泜水

不解秦圍豈負盟
將軍原自未知兵良謀
那聽深溝守竒陣翻嗤
背水營赤幟二千吾氣奪
黃金五百此頭輕天心正助
阮儒焰儒術如何事得成

滹沱河

臨河數騎走倉黃穩渡寒冰薄似霜
天意早歸銅馬帝人言爭

道白魚祥孤城雷雨聽軍令諸將星辰捧太陽假語豈知眞得
濟市人休笑穎川王

曉發滿城

行役畏晝熱客夢不安簾四更套驅行露珠撲人臉浮雲無歸
心風際芙蓉颶丈夫事功名節義先自貶此時菰蘆中柴門正
深掩時來鼎俎光道晦筆瓢斂

月黑渡孤山馬簇亂雲起分作朵朵飛入我轎裏裏振衣萬仞
巔灑作山下水雖無霖雨功自含潤物理驕陽猶未升草木翠
可喜天風落人間雞聲散城市

易水懷古

一聲刦秦天下快將軍甘把頭顱賣血光射日日色淒過水水
作人悲啼捧入秦宮白虹耀舞陽殷栗荆卿笑圖窮匕首如躍

龍左手把襖右揕胸羣臣無兵王不甲秦王此時死秦法一擿中柱不中王王卻擊軻軻八創七首不利藥囊利人術雖疏亦天意烏虜天意帝秦不可回不見漸離之筑張良椎

黃金臺

燕王高築黃金臺齊王顏色如死灰七十餘城一臺取如此築臺真快舉國家重士須輕金黃金能買英雄心英雄肯爲黃金死畢竟時無一眞士君不見魯仲連一言能止衆帝秦千金笑卻平原聘不是尋常商賈人

暴雨

月暗雲生雨驟施雨銷雲散月來遲人生橫逆皆如此只要平心耐片時

梅

平生只是愛清姿每見梅花定詠詩昨夜孤山風雪裏爲他惆悵立多時

自知冷淡合時難零落空山伴雪殘縱買胭脂染顏色看花人又怪春寒

七月初三夜

愁殺新愁接舊愁湘簾又見月如鉤秋聲不待梧桐落先自芭蕉作起頭

家淵如茂才星行雙芍藥圖用蘭韻軒主人韻

月娥楚蠶翻芳叢留殿春光屬化工怕與小桃爭賣笑故將花影背東風

寫出交枝軟若絲春愁酒病兩難支名姬老去名花晚一樣傷心不遇時

法原寺夜聽雨

新涼涼不透又作雨蕭蕭籟爽疑添竹窓幽惜欠蕉香涵心字
永燭伴夢花銷多少家居客清眠愛此宵

夜坐

蟲聲破夜寂小坐娛涼天病久花同瘦愁多夢不圓孤懷憑月
迴靜氣得秋先惟有深閨裏應知客未眠

得內人書

鵲聲啼上夕陽枝錦字書來隔月遲封處尚疑雙別淚開時惟
有一緘詩黃花比瘦燈初覺翠黛含顰鏡獨知應是望予書更
切急彈紅燭寫烏絲

寄家書作

書寄一千三百里去時剛值月初弦初三數起十三日書到君

邊月正圓

秋日遠眺

昨日登高臺秋樹綠未已今朝見黃色一夜新霜裏太華當秋來蓮花翠乾死草木本無命榮枯偶然耳春風吹山青新綠從頭始

鏡月詞

我有寶鏡懸高臺鏡光月色相對來月圓不如鏡圓好可鑑
簪髮纖毫開鏡圓三百六十日月圓一月祇一回其閒風雨多閒
阻那得十二回持杯世人愛月不愛鏡往往對月心徘徊月中
豈有素娥舞月中豈有丹桂栽中舍兩儀之垢膩外積萬古之
塵埃世人愛月非愛月愛月不得常相陪物不可得便可貴無
怪視鏡如陶环懸鏡在天月在手月雖皎潔生嫌猜

古意

采蓮無蓮舟隔水似千里波心見蓮花花心見蓮子

出都門別諸戚好

沙漫漫雲漫漫白日欲落青天寒丈夫生無離別淚數行今日
何汎瀾淚不爲功名失意灑不爲黃金用盡彈官爲將相金滿
盤欲見良友難復難

曉行望月

疏柳蓋殘月忽隱忽見閒如從碧紗底窺見佳人顏曉風爲吹
開分露雙鬟浮雲又遮掩剛詣眉一轉願風如翦刀儘此楊
柳刪願風如飛輪送此浮雲還一輪忽低去回首礙青山青山
吹不倒好事終緣慳

渡北河

水去河身俠沙隄十里明月臨不夜色波老人秋聲草盡羣羊
疾風高一雁輕隄邊瘦楊柳無力綰人行

車中詠懷

花落不可續水流不可束勞勞車馬閒何以脫塵躅萬里雖可
到百年亦已促不如一頃田歸種南山麓道勝味自腴心廉境
無儻白雲天卷舒豈與世榮辱念此哀鴻饑未展所蘊蓄潔清
徒自全誰能效黃鸝

曉行觀日出狀

天光釀雲作紺碧欲與山翠聯無蹟山離雲耶雲離山翠碧中
閒嵌寸白初如輕絹挂一絲漸若匹練橫千尺白光內斂泛寶
光疑是女媧補天石雞卵含黃啄未開蚌腹孕珠飽自闢五色
中飛一鏡明江心百鍊仙人液天風搖動神彩寒付與青山照

新格青山窈窕宛如美人睡起朝寒凍芳鳧朱霞一照破嫣然十二螺鬟屏不隔妝成寶鏡飛上天美人笑口迎來客

重過玉峽關

插天青玉勢崔嵬日射幽厓兩扇開雲氣晴添諸嶠崿樹形天就一樓臺飛鶯跕跕終先路落葉蕭蕭是廢材策馬怕逢關吏笑棄繩生去又重來

次潞河

家近思歸急翻如客乍行一鞭催不到百里望難明路熟僮心喜裝空馬足輕斜陽無限好偏有大河橫

感梅

俗眼何緣識素姿小桃紅豔獨傾時李花猶道無顏色看到梅花更不知

題惲南田片石秋海棠

愁人眼中花思婦眼中淚至情金石銷變化豈以類寂寂古牆
陰佳期恨難尋所思不可見未了思婦心思婦心本如鐵花雖
彙借形質西風吹花花欲飛安知隨風不化望夫石南田畫花
會花生并會當年思婦情恐花化石先補石一片凝然阻芳覓
問花花有夫請花登石呼問花花有鄉請花登石望畫花不落
石不爛願花勿更生變幻

冬日雜詩

伏枕不能寐起舞明月中寒星無光芒四野多悲風逝將去妻
孥絕域爭奇功男兒少憂患何以成英雄拔劒星下看光彩如
白虹未敢一輕試恐自摧其鋒瓦缶果善鳴聽者誇黃鐘驛驅
雖努力或與駕駘同

落木何蕭蕭浮雲蔽千里民生何時休東山臥不起昨夢雒川
妃粲然發瓊齒微波雖可通自媒實所恥天籟尋空來是非置
不理達士無怨音世俗豈能訾

蓬蓬野田草鳥銜上枯桑本非同根株生意聊寄將天風吹不
落纏綿意何長而謂骨肉閒動爲參與商鑿冰取雙鯉開甕春
酒香兄弟怡怡如以爲親壽康富貴如浮雲豈足娛高堂

北風吹何涼凋此青梧色孤幹雖童然生理自疏直日算羣鴉
來紛飛半天黑繞柯鳴啞啞欲棲苦逼仄安得雙鳳凰一鳴衆
響息

水仙

湘江乍雨湘雲溼帝子欲歸歸未得翠裳不舞佩無聲十二烟
鬟遙點碧至今愁覓寄爲花夜夜窗紗寒月白

歲算赴并州

歲算行人返今翻歲算行解鞍纔兩月策馬又孤征殘月爭初色荒雞約市聲前身是行腳要踏萬山平

并州除夕

猶得依慈父幾忘客裏身同懷垂白母皆作倚闌人歸夢無千里殘燈又一春賢勞是親志未敢厭風塵

閼逢執徐

晉陽懷古

四塞河山控制遙高王宮殿鬱若堯身親廢立三天子手畫東西兩魏朝青雀誰憐飛鄴下赤蛇早見據園焦西師未捷明星墜敕勒歌成淚似潮

太原本是關中輔留守方資殺賊勲半夜宮人私入侍一家娘

子自成軍不成事豈殊充寶得勢兵先據絳汾只合論功儲早
定斧斨何待缺紛紛

石郎骨立鎮雄州拜寵寧廬戴冕旒甥舅豈知成反噬臣兒偏
肯自低頭甘將內地資戎竄遂使中原失薊幽輸盡歲縮三十
萬年年北望雁門秋

玉帶黃驥帝一方國讐兒恨兩倉黃早知花項爲天子只合重
瞳下太行十載紀元仍舊號四時家祭奉先皇高平一蹶終難
振不哭淮陰哭李驥

侍家大人德風亭春望

東風吹煖散春城城裏桃花城外明近水絕無游女影連邨都
有讀書聲時和雨只霑塵足政肅民皆讓路行正是四郊生綠
意卷簾太守看新耕

春宴曲

紅霞漲天失青冥花香洗月如波清瓊壺瀉酒醉春星夢移三
山作銀屏美人抱瑟春情鬱微風一吹死灰活老龍飛入湘絃
吟滿堂動色生秋心燭花靜綠霜意緊羲和倒走入古井玉顏
能得幾時紅南山孤墳勸人飲武皇燒金空紫烟白雲茫茫葬
神仙未央宮月蠅帖弔銅人西向長安笑

梨花下書寄情人

舉頭忽覺明月香春星歷歷天蒼茫攀枝笑共明月語
髻相逢在故鄉故鄉東欄一株雪歲歲花開寒食節樓下花枝樓上
人樓中人語花中別別來煙雨兩番春夢繞欄干日幾巡忽對
花如故園樹如何不憶花前人我憶花前人人憶花前我不如
兩花不相知不解相思自閑墮人生最苦是情牽一著思量盡

可憐梨花滿地黃昏月此景當時道偶然

曉窗

風急窗櫺細雨彈起扶殘夢急憑欄平生事事緣情誤又爲看
花著早寒

家大人左遷成都別駕命予奉祖母南還

行李已在途車馬猶在門登堂拜慈父慈父爲我言謫官乃吾
分聖代豈有冤微祿亦官守恩皆出

至尊所感親壽老未報罔極恩我從薄宦去矢志安黎元爾奉
祖母歸努力顧晨昏到家省邱墓次及理田園宗族宜厚恤同
姓古所敦森森牆邊樹其固在本根本根不培植枝葉不茂繁
再拜謹受訓欲泣聲先吞

留題上黨郡署壁

天地乃蘧廬人生如逆旅昔人於故鄉猶復作此語何況天一
涯本非託根所住既不足戀去亦無所苦前來者誰不知幾
易主後余來者誰何必問爾汝前之房與闥今或爲園圃今之
藩與溷後或爲堂宇地苟以人傳偶住亦千古人不足傳地久
居豈足數徘徊復徘徊世態笑兒女

我登德風亭長嘯而告別清風颯然來似對我淒咽我愛幽蘭
香汝吹亭下苗我愛秋月明汝埽亭前潔我醉爲解醒我炎爲
驅熱今將別汝行區區願陳說願汝春而融一嘘萬民悅願汝
秋以清一翦衆草滅故人在南天音響汝不絕慎勿揚輕塵漫
天作飛雪

窗前一角山晨夕快相覩煙鬟點點青時向鏡中數今將舍之
去春風關我戶飛來一片雲如雀向人舞招之入雙裏雙裏飄

飄舉舉之倏然輕化作心縷縷挂向碧山頭變爲山下雨我旣無五丁山更無雙羽何當遠移歸隙地任我補昨夜夢家山正自闕左股此山我可移家山人可取揮手謝青山青山笑而許

南池少陵祠

南池蒲柳不勝秋遺蹟常爲子美留離亂身從甲兵活艱難心切廟堂憂得時不在蕭曹下抱負眞惟稷契儔王簿佳名附于古人生應得重交游

到家日寄親書

別親四月時荷葉如錢出到家及早秋蓮子房房實百年人子身侍親能幾日况復離別多相逢不可必離別日以深霜露日以侵人知到家樂我日淚霑襟吁嗟歸人意反抱遊子心朝作一緘書莫復易其橐上積淚痕多恐傷親懷抱持書復躊躇臨

發莫草草親游正無方寄向何處好殷勤告行人且達長安道
親未達長安浮沈終莫保行人去已遙寸心愁如攜

天眞閣集卷二

劉光德博文齋集